

賞雨茅屋詩集

賞雨茅屋詩集卷之三

盱江 曾燠 賓谷

古今體詩七十四首

題襟館種梅

蜀岡小香雪歲歲花千層枝幹苦不老翦伐何頻仍隔
江棲霞山靈藥氣所蒸羣木故多壽況無斧斤凌老梅
絕可愛摩挲記吾曾寂寞題襟館歲寒念高朋徑煩健
步移幸荷山靈應入門貌古瘦十箇棲霞僧葩瑤雖未
發丰骨已自矜於時方肅殺欲驗天心恆此樹得氣先
便覺陽和升

喜蘭雪至

渡江詩遞到君尙在人間才子天宜憺憂端我乍刪音
書三歲少風雪一身孱轉復愁多病迎門審舊顏屢有傳君

死耗者故云

別來何況味一一聽君言無地容親骨尊甫未葬餘生感

國恩君家賠項比奉恩詔得免學從憂患長詩得性情敦有母須

謀養離鄉又愴魂

明宣德胡后牙印歌

印方徑一寸三分象牙爲之陽文篆厚載崇教之寶六字

紐作相輪形左右分鐫眞書宣德四年正月賜靜慈宮十字

金寶冊妃前所無華陽況已刻玉符皇天不祚元后璽

牙璋頒瑞將奚需往時翔燕銜白石吉兆嘗儼王家姝
泐駕方乘畫雲母賀儀或上青珊瑚月令祈禱每帶羈
電光占象宜繞樞桂花不實果何罪葛藟相縈翻見疏
故事宮人近乘輿年月皆有中官書未知無卹誰氏產
一任不韋奇貨居讓賢援取光烈例入道改作仙眞呼
人集於苑已獨枯存問永巷胡爲乎忽鐫片玉茗華字
不減一斛樓東珠象掇祇宜摘鬢髮或爲牙簪承歡娛
文章乃取贊坤德此日豈復能堪諸長門賦又無相如
紈扇詞亦非婕妤何須斯印鈐紙尾色與紅淚同模黏
獨憺宮中鐵牌在從茲家泐變國初萬妃藥中孝宗頂

選侍肘掣熹宗裾
茄花委鬼夏交煽
懿安賢后幾被誣
當時誰進閨範圖
印記虛語徒區區
宋有仁宗亦令主
同斯慙德堪嗟吁

水亭懷古

撥盡寒灰亦苦辛
可憐亂世有君臣
廣陵重見楊花落
建業還歌玉樹新
一自紅羅圍絕艷
夏誰白髮念先人
隋家九曲亭邊路
水調歌來倍愴神

題瓊花觀

玉鉤仙客飄然引
不管瓊花數當盡
神如后土亦可憐
閱遍繁華似朝菌
石臺草長秋風淒
井甃苔深春雨滋

我恐瓊花卽玉樹芳魂殉國同青谿人情宜爲花歎息
我獨言花壽無匹隋楊賜姓不多時仙李蟠根能幾日
優曇一現五百年重擢靈芽應有緣試向井中敲洞戶
返魂丹藥問眞仙

喜雨辭

蜀道難於天楚秔貴於玉民不得泛舟官不得移粟

解一

三吳比歲稔歲稔鮮葢藏海舶有偷渡嗟故資盜糧

解二

恃此一年耕食此一方土蟲蟲盼雲漢焉得不閔雨

解三

閔雨將何如法在董子書往時江都相遺愛今未渝

解四

土龍何翳翳蜥蜴何跂跂北門喧若雷南門寂如水

解五

其雨乎其雨一雨蘇百病官府貪天功嘖嘖矜感應
六解
我願雨洗兵不獨江淮田楚秔貴於玉蜀道難於天
七解

觀奕

初侵邊角漸中遶長日消磨一著遲未必人閒無國手

樵柯枉自爛多時

岳墩十四韵
泰州城內土山是武穆屯軍處一名泰山

宋不中原復公如泰岳積兩河乘障待一簣廢功回初

應浮江讖聊資鎮海才
南渡君以公爲通州鎮撫使兼知泰州東隅天失

險南霸敵猶摧
公以泰無險可恃退保柴墟戰於南此霸橋金大敗渡百姓於沙上見本傳

地存孤壘當時用背嵬諸山難共撼半壁恥徒開太上

方思沛平王忍棄邵帛曾傳雁塞馬欲渡龍堆赤幟風
雲起金牌旦暮催具瞻師尹石能死獄庭灰萬里長城
壞千秋峴首哀餘威驚草木腥血漬莓苔道濟沙中磧
淮陰水上臺幾經寒月照潭水寒生月
公詩句也常有怒潮來

安東道中大雪

時赴海
州散賑

夜聞舟人語齒戰聲復迴曉起褰帷看飄霰入窗隙兩
岸無寸土波光忽減白茫茫際東溟不辨蒼山色舟人
強持篙手硬苦無力豈不憐汝寒災黎待哺迫他方卜
豐稔今日雪盈尺唯彼昏墊區秋來未種麥祁寒反生
怨表瑞不爲德博施道所難天工謝無策吾將告災黎

汝勿過悲惻汝蒙

天子恩倉廩坐飽食忍待明年耕乘屋今且亟終南接
峨眉雪大應如席三軍方苦戰血染雪俱赤糗糧艱轉
運竈冷幾曾炙誰醫不龜手但有不掩骼言念儻及茲
海濱猶樂國何時李西平入蔡遂擒賊率土皆力農犁
鋤銷劍戟

蘭雪歸里山尊爲仿高旻園贈別汪堯峯故事畫
離亭寒色圖卽用卷中王敬哉尙書韵送行四首
在簪人文盛猶憐會合稀祇今知已少忍說送將歸春
水隨船長遙山入畫微離亭瞻弗及愁詠燕子飛

去年風雪裏一片過江雲失喜君無恙還悲咎所聞前
傳蘭雪死耗者班荆重道故酌酒更論文共有萍蓬感如何不
樂羣

君常思丙舍語及輒潛然重以關身事輕茲聚首緣落
梅愁玉笛新柳拂江船有客慕高朗寒蕪澹著煙

到及春濛候高堂介壽杯山坳吹笛太谿畔看花回山

牧笛爲蘭雪新田十憶之一又有石谿看花卷子儻念河梁什還緘驛使梅嗟

予恆刺促何日賦歸來

蟪蛄靈澤夫人祠

英雄意氣那能平兒女區區事易輕赤狄未聞歸季隗

晉文終竟納懷羸臨江一片漸臺石望帝千秋杜宇聲
地下相從誰最近惠陵遙矚不勝情

聞四川官兵大捷二首

戊午六月

朝聞九節度驅賊過潼關夕報三城戍摧鋒震鐵山

鐵山

關在達州妖人應破膽

聖主未開顏困獸猶能鬪軍前莫等閒

羣山擁達州形勢最關憂秦隴爭前戶荆襄處下游募

兵勞祖逖轉餉急蕭侯況說南中地興戎且未休

雲南徠黑

亂爲

七月朔日風雨

誰挽銀河水如將洗甲兵西師猶轉戰南服待秋成近
海潮皆立連江夜有聲天心本仁愛風雨莫縱橫

酬浚梧門祭酒西涯見寄三首

祭酒居京師之積水潭上考其地爲李長沙西
涯遺址以六月九日召賓客爲長沙設生日之
祀而念僕在廣陵歲以是月二十一日爲歐陽
公作生日辱寄此詩及西涯首唱諸作

廬陵久不作茶陵今復見誦君西涯詩憶我蜀岡讌我
忝官茲邦非無流風善政媿賢守前文居衆賓殿徙申
梓里恭聊慰桐鄉戀君家傍西涯才亦西涯擅有如宋

公墅寫入右丞卷翻念塵土人瑤華寄江縣

書來鞠花節發自蓮花時六月初九日詩龕賦新詩敬
爲西涯壽賓客皆舉卮是時積水潭煙光澹炎曦龕前
松露滴龕裏荷風吹琴聲林壑動畫筆煙雲滋西山送
雨來新綠忽在睂詩中一一寫髣髴親見之我簪訪詩
龕潭水清曾窺祇今魏闕遠悵悵江湖思

我思文正文不減文忠筆獻納在朝宁風規亦堪匹宋
代楊錢體明初臺閣習兩公起其衰後輩始有述歐爲
宵小謫李爲閹人嫉委曲盡厥忠身名兩無失況於好
士心才俊勞引汲幾許囊中錐紛然脫穎出蜀岡與西

涯易地可爲一生日若修祀兩公應合室典型故猶在
今古要相及感君詩意激交勉唯學術

謝胡香海贈宋資洞簫歌

我家鐵龍久鰓處徹骨之寒吹不煦胡公詩律如春溫
一見僂作冰人語請以昭華爲匹配和鳴十二應中呂
香海爲余賦鐵簫詩云請公配以昭華琯和鳴十二聲雌雄求之不得幾三年今日

欣然來踐言援引玉山主人例白鸞飛向華陽仙溫其
如玉豔如雪中抱虛靈外廉節問姓來從天水家長年
鍊得安公訣劫灰無處認前朝好古徒誇定汝寧此器
不歸陶正掌當時何取爨中焦誰人吹落汴州月幾度

驚起錢塘潮我笑鐵龍聲太厲剛腸正要柔情濟傳薪
有指樂未亾鼓缶而歌占亦利胡公詩泐三唐音宋人
變調非賞心伶工偏奏下里曲畫壁旗亭請聽吟

再詠宋瓷洞簫

汝窯開後柴窯掩官哥色共天水洙變爲御土印花點
趙家火德滅餘焰此器誰造誰匣檢唱簫和簫兩難辨
景祐樂記無前件是何瑩滑不能玷吹氣宜有露珠泣
當時幸不同紀獻賂師遠入燕山崦亾國之音官孰典
石火光陰眞荏苒而今此器亦已鮮客有吹之吾請免
如怨如慕誰能遣

繡女祠

宋宮人從高宗南渡遺落揚州遂入道仙太土人爲立祠稱曰繡女

北轅塵土六宮愁南渡英靈一廟畱公子化龍如晉室
仙人騎鶴在揚州此身不共金甌缺當日曾陪玉輦游
空使平山堂下路驚傳毛女出峯頭

學仙能得幾人成萬事吹殘麝栗聲

齊東野語女冠吳知古用事內宴演

參軍教坊輩請簽文書參軍曰我方聽麝栗請至三四
胥前擊其首曰甚事不被麝栗壞了云云蓋時呼黃冠
爲麝栗也曾見東華稱教主空煩北斗用神兵擘釵偏向蓬

壺住竊藥眞爲月府行堪笑天長烽火逼汪黃猶自講
無生

臨安南望定銷魂墜珥遺簪憶舊恩白髮猶能說天寶

翠華何不復中原彩雲隊起新歌豔絕色名傳異域喧
獨有荒祠甘寂寞瓊花一樹未移根

儀徵張孝女行

綽楔不標孝女閭邑乘不登孝女傳孝女之碑又埋沒
文章安得有黃絹眞州昨者治渠堰剜出城南石一片
大書赴火張巧姑此石乾隆甲子建今年嘉慶歲戊午
事隔春秋五十五巧姑之廬久焦土巧姑之骨土中腐
唯有區區孺子心黃泉猶得依其父此碑旣出人始知
千古不傳知幾許巧姑時甫十四齡豈會習禮兼明經
入冶便如金可鍊伏屍終恨雨無靈官司亟爲請旌錄

夏與江干立祠屋歲時當祝孝女神親在之家不回祿

海州勘災感賦二十四韵

負海地疑崩頻年水潦仍天心宦獨薄人事或相乘浩
浩風帆起昏昏霧氣蒸一川連遠昊千里失高陵樹杪
浮如荻茅檐陷若簷竿紅知戍堠山翠露圭稜晝日籠
鼉上秋涼雁鷺增濤聲春客枕風色閃漁燈未見村煙
出唯聞野哭騰居民空涕淚河伯尙驕矜昨者泮方割
茫然道改恆滔天東郡始茲土下游承

聖主勞吁咈羣公異愛憎高津疏未暢瓠子役徒興隣
國甘爲壑阿膠豈可澄勢兼挾沂泗災匪僅曹滕盛漲

迷鹽井枯莖滿稻塍久經儕蜃蛤誰得化鯢鵬十戶餘
無幾三甕洩不勝歲常蠲賦稅

恩實費金繒賈讓言猶在高超論孰徵至今難與隩此
後又堅冰圭璧還虔禱馨香欲上升好生維大造永賴
理堪憑

中秋夕安東舟次有感

今夜揚州好吹雲管籥聲星從樓上摘珠自水中生何
處邊烽警非無澤雁鳴冰輪同此色見者若爲情

題經學齋集贈蔣蔣山

大樂本乎詩和平感人心昭昭古作者律數皆可尋正

聲苦難追遁入於邪淫北鄙夸氣盛桑閒託情淡鷓鴣
或蠻語蚯蚓聊細吟翻云襲前人何若創自今變法出
新意居然異人任流俗駭且悅從風莫能禁口衆而我
寡幾欲託病暗蔣生雛鳳凰一出無千音投我數卷詩
空齋響瑤琴意悲一何遠藻耀氣復沈騷些馮鬱鬱祈
招自惜惜忽如庾開府又若李翰林不圖札觀樂尙得
聞璆琳我亟呼生來申言叩淵襟生但笑不答請以筆
代諭叶始知得耳疾未遇良醫鍼咎聞師曠瞽況有皋
陶瘖生也塞兩耳不使邪聲侵世人則眞聾心聽唯生
能叶他時朶殿前作賦鏗鳴金生民清廟什人樂神所

歌

王述菴侍郎三泝漁莊圖

九峯青在水一片空濛煙往者寂無人
是公夢中天相思寄鷗鷺忽忽五十年
鷗鷺亦非舊峯青故依然歸來一簑笠
清波照華顛漁者不知公像在雲臺閒
勳從鼎鐘載文任寰區傳吳中三高士
未覺前人賢公簪居京華賦我西谿篇
先生爲少司寇時爲煥題西谿漁隱圖
我今尙塵土見畫心悁悁安得去從公
爲公刺漁船

黃賁生將入都應試遣其妾顏氏歸里有詩送之
戲用其韵爲臨別贈答詞

代賁生

身猶爲客在心已共君行大婦賢難定貧家別易成秋
風禁弱質江水恹遙程隱忍教輕去應知此際情

代顏姬答

未與姑嫜見漫辭夫壻行人疏猜易起愁碎夢難成馬
入燕臺路雁隨彭蠡程始知金榜色能奪玉顏情

東臺道中次賁生韵

小邑無城郭村圍衆壑潑地卑秋不爽海近晝多陰野
艇因魚活荒田費雁尋水鄉生事儉念爾一悲吟

誦憶園詩鈔竟題贈陳理堂學博

我憐陳伯玉五字有清音曾入長安市無錢可碎琴鬢
絲行役老懷抱向人潑此卷畱天地寥寥感遇心

吳門蔣家內集詩

仲氏

蔣山

從我游臨文有不讓伯氏投我詩才足與仲抗

我喜聞墳簾曾以一難況兩生前致語邀譽誠過當顧
猶有弟妹門內共酬唱往往奪驪珠欲駕諸兄上他日
嘗趨庭角藝如接仗翁指弟妹言汝兄軍可張撥囊出
數篇請證語非妄謝公替聯句姪輩非子行江東二千
載誰復比門望蔣氏今過之地靈抑天貺作詩貽乃翁
至樂無以尙

送蔣子野歸里

令弟與吾游逢君未忍畱恐孤堂上意多爲一人愁江
遠看孤雁天寒有敝裘遙知船泊夜風雨憶揚州

讀列子

知道不言道古人以之天列子旣貴虛何必書八篇書
誠出其手當在南華前南華衍餘波汎濫成巨川吾聞
白馬經梵夾之最先華嚴文特勝乃以驚後賢郭象但
註莊此書誰與編可知求道者徒落於言詮

讀商子

良士術或疏小人才必美秦強制六合實自夏商始人

主聞厥言修權最便已商君已車裂秦泐未嘗弛始皇
逾奮威天下盡鞭撻寶此什餘篇詩書故可燬寧知嚴
令在民有不畏死非徒鞅徇秦秦亦徇鞅矣

讀吳子

五勝之國禍四勝之國弊起稱善戰人而有不戰意西
河介秦韓勢須講戎事未知漢武代奚必用霍衛霍衛
棄兵泐此書亦無謂起也行其言僥倖得傳世

讀春秋繁露

漢武所爲治何嘗學春秋下詔詢經生名取非實求一
時文學進畜之以俳優賦頌惟貢諛大儒心竊羞災祥

時所諱道術時所尤公孫亦儒者阿世爲公侯先生獨
著書經義靡不搜未得作伊呂庶幾夏與游

凝塵怨戲效齊梁體

羅襪因誰舉微步菱花對妾掩清光
簪隨舞態拂團扇
今無歌聲動畫梁
芸暉堂裏塵恆卻
金谷園中塵自香
聞道蓬萊水初淺
麻姑此時雙鬢霜

詩成

隨意詩成了暮蟬吟不休
苦將風露氣吹入海天秋
汝豈愁黃葉吾方歎白頭
浮生盡如此羣鳥亦啁啾

黃葉

秋林偏是瘦生姿點點金風著意吹疏雨寒於梅熟候
夕陽澹到草衰時閉門蕭寺憐僧病息影空山念鶴飢
對此宜斟桑落酒微吟郊島幾篇詩

甘雨應祈圖爲撫軍費公題

涼颼颼颼江連湖中有百萬歡聲呼或持破繖顛復趨
或荷蓑笠霑泥塗又或轟飲方傾壺一一喜色睂間舒
喜者歡者意何居僉曰我公實生子今年閔雨唯三吳
米價驟長千青蚨民禱諸神神弗俞龍眠不起誰能驅
公曰烏乎汝何辜吾其爲汝求元都公齋三日不用巫
詰朝見公出無輿亦無羽蓋兼吏胥顏色何瘁行于于

遠道不顧腰腳劬忽有雲氣升天衢浩浩誰挽銀河輪
公歸戟門雨濺裾呼吸帝座其神乎試看尺幅風雨圖
涇翠滿紙禾與與乃是向者將枯株公之感格非斯須
仁心惠問無時無

禹鴻臚畫鄭湛若抱琴遺像

廣陵散不可聞廣陵人曾識君寫君磊落之奇氣欲向
灕山湘水招君魂君操水仙儻仙衣海天洞湧山林暮
悲君不獨人琴亾生世知音未嘗遇華陰令尹喚騎驢
翻身跨馬超靈渠靈渠三十二陡由灕通銅鼓水見赤雅翩翩書記有誰
識雲顰孃者天人如吹蘆管兮嗚嗚歌浪花兮啞啞撾

伏波之銅鼓譜綠珠之玉笛平時苦調無賞心到此翻
能快胃臆蠻花犵鳥相娛嬉猛女解唱山人詩一從生
入鬼門後天荒地老長相思絲聲一何哀哀以立志唯
君子螳螂急捕鳴蟬死寂寞蔡邕遺綠綺吁嗟乎蒼梧
迴望雲冥冥哀彈應託湘妃靈誰從明福洞邊過薦以
蘭芷之芳馨廣陵忽見鴻臚畫當日漁洋會展拜鴻臚款題
阮亭命追寫此像卻思流落七條絃葉錦衣家可仍在

宋繡東方曼倩捧桃像

夏侯湛贊真卿書古像遺失誰從摹後之畫者王諤顧

良臣吳小仙嚴氏一網收珊瑚當時復有紙織圖刻絲

四幅工巧俱

珊瑚網載明分宜嚴氏藏吳小仙顧良臣方朔像王諤東方朔待詔金馬門圖及當

時刻絲像四幅紙織像一

今盡不見嘗嗟吁此幅出自誰家姝鍼神

之妙今所無長身玉立九尺餘炯炯雙目如懸珠意氣
不爲天子拘矧乃舍人及侏儒幾時遊戲龜山隅輕裾
未受紫水汗竊來桃實急走趨迴顧似恐人追逋呼之
不下人欲徂繞日三匝知焉如我笑王母何太疏此兒
狡獪無法驅管者偶到方丈墟挾恩遽盜仙官符擅弄
雷電翻江湖簸頓五岳災九區九源言之不行誅九疑
一請旋得俞還復西取春生魚東取吉雲步景駒平生
有技如魑魍三偷此桃奚怪乎茂陵劉郎良亦愚聲風

之木一旦枯不見歲星空鬱紆恨不買絲親繡渠

題錢舜舉百歲圖

神奇化朽腐朽腐復神奇萬物禪終始何論成與虧至
人無用用此理人未推若材若不材強欲分等差豈無
百年木青黃而文之持此溝中斷失性均所悲土苴同
秕糠斯人棄如遺孰云堯舜鑄將使天下治樵蘇爨芻
狗漁獵忘筌蹠一從平等視豪末皆邱垤茲旨發莊周
茲圖始徐熙錢郎學古人精液消糟醨高才不見用棄
物嗟當時寫生聊自娛自況亦在茲郭象詮南華不免
猶費辭龜死畱其骨豹死畱其皮錢郎竟不朽片紙世

所希始信無用用小年安足知

思雪用坡公祈雪霧豬泉韵

我自不耕徒穀腹眼中耕者食誰足又無霖雨能兩人
雲漢之詩聊代哭江淮今歲夏徂秋軋軋水車不停軸
幾令魚困乞升斗頗厭牛閒耗芻菽幸哉一雨纔翻犁
稍見西疇麥苗綠冬來何復行夏令日夕火雲照江濱
往時蜀貨如流泉輓粟飛下千重淵近者干戈常阻絕
巴人漢女飢欲顛江東米價愁增急大戶金多抱金泣
轉餉

王師且未已此時無雪嗟何及南風三日熱轉煩似欲

賞雨茅屋詩集

卷之十一

夫 子 西 補 刊

轟然激雷蟄朝看鞍馬已出雲暮見元駒羣戴笠夏願
蜀中兵勿疲三秦鎖鑰牢封匙

淮陰市口占

能忍少年辱偏憎噲等伍人生得意時誰記從前苦

題畫海棠

江南風日是芳辰畫裏猶能豔動人不省蜀中兵火後
煙愁雨泣可成春

謁岱廟

時巳未四月望日

嵩華纏兵氣東方正賴君須知天下雨還望一山雲往
者

軒轅帝畱茲玉檢文乘龍今渺矣灑淚對亭云

譚子受英雄兒女圖

兒女紛紛太有情
幾人投筆似班生
秦中聞說猶征戰
躍馬期君向渭城

七夕詩

隔歲此期始隔河
何事無妾甘同織
女君但學黃姑昨
者駕橋鵲今爲嘯
曉烏物情良易變
人意可如初
粉散芙蓉席香銷
菡萏鑪從來畏機
巧嬾更覓蜘蛛

臂痛

進不能挽弓射賊
退不能把鋤種田
復不能鍊丹換骨

賞雨茅屋詩集

卷之三

七 辛酉補刊

求神仙聽鼓應官常困劇中宵兩臂艱轉側當車祇可
讓螳螂化彈何從索鴟炙行年四十未爲老蒲柳之姿
望秋槁爲國會無使指勞負山唯願息肩蚤君不見錢
唐袁子才三十有二解組歌歸來往年八十尙無恙掉
臂游行何壯哉

阻風謠

昨日順風今日逆誰知橐籥眞消息乘風忘卻守風時
住者羨他行者疾語君勿悲亦勿歡中流祇是收帆難

聘鶴篇

題襟館中蓄四雄鶴桂堂同年晁之云家有雌

四今且八十有三矣繪圖
分賜諸子以重先澤云

一泓鳳池水世澤此中深瀉之爲詞源灑之作甘霖侍
郎簪從政片石歸鬱林大筆望來者語含詒厥心名孫
有鳳毛池上眞嗣音蘇氏文字祥謝公祖德吟琢磨親
自簪涕泣恆於今人與石同壽寶茲尺璧陰傳家更有
子絕勝遺簾金世世大手筆池雲日千尋

觀緜津山人未定詩藁題後二絕句

馮鷺廷同年
所藏每卷有

王漁洋尙書朱竹垞檢討評點嘉
慶五年三月旣望觀于安定書院

中丞詞賦滿江關一代名流其往還手抱殘編想當日
神仙官府有餘閒

風氣初開未盡醇百年大雅竟誰陳爲嫌溫李滋流弊
卻使蘇黃有罪人

高山流水圖爲倪米樓題

誰是子知音寥寥獨喻心自怡良亦足未肯罷鳴琴

知君師授有琴言

吳穀人先生米樓師也著有琴言二卷

山水移情自簪

年怪道今人高調少塵寰能得幾成連

賞雨茅屋詩集卷之三終

賞雨茅屋詩集卷之四

盱江 曾煥 賓谷

古今體詩六十二首

寒春行

高粱之子嗟寒冬翠裘豹舄猶龍鍾誰家女兒方夜春
隱隱疊鼓聲隨風驚醒富人春睡濃怪伊習苦爲寒蟲
豈意夫家一斗粟冬日輸租官限促往年一斗徵一斛
不擇青穄與黃稬今年

恩詔責民牧勒折浮收必誅逐奉宣

德意官長賢箕斂不敢仍前愆祇恐運丁無兌費漕糧

顆粒要乾圓賃春那惜勞千杵春不中程官不許但餘
糠粃自充腸手足僵跛敢言苦況聞秦蜀軍多飢齧雪
餐羶冰作糜望見白星還拜禱年豐盜息免勞師

後寒春行

東家水碓八九區西家水碓緣谿湖役使風吹如傭奴
主人裏手看量珠唯有阿儂雙弱腕無罪常教治城旦
霜天雪夜室無炭短布單衣反蒸汗朝來白粲成一石
賣與里中游手食得錢且買楫枹燒寒春不用愁今宵
題汪潯雲畫澄江霞綺

孤舟漾微風江晚水紋細林暉澹欲收野煙薄猶曳清

光竟石底丹氣忽天際高燒衆嶺明俯映一川麗月出
痕未淡楓搖色逾霽此時謝元暉畫理入詩意

綠葉

昨日紅相亞茲晨綠始肥生意豈不繁故物忽已稀風
枝動新煙兩片黏餘菲鳴蟬欲資蔭飛蝶輕與違翠閣
有佳人乍感芳華非韶顏易銷歇對鏡還歔歔僭問買
春者春心寧弗移

曉起

萬事集初曉天光驚人幃茫茫追昨夢翕翕動新機涼
覺林風澹清憐衣露微羣鴉勞似我已復去來飛

枯樹

落落迴成格青青微有芽
當風還飈麟影月但槎枒
便覺園林古曾經雨露賒
此時逢庾信愁絕感年華

效玉臺體四首

詠汲

桃葉春風香桐花朝露泣
湛湛金井寒纖纖翠裏卷
纈修闌恹倚贅滑苔防踐
囊彈疑釵溜顏頰因手輒
含嬌不自支照豔屢自俛
悲憶絡緯曉心同轆轤轉

詠澣

門前谿水通薄澣夕陽中
舞衫酒痕褪香裏粉膏融
春

筍鏡波白秋蓮貼石紅愁生玉臂冷防動繡裙風魚驚
定沈豔鴛鴦戲或羞容可憐苧蘿女方與衆人同

詠縫裳

故人不加新新衣還復故可憐絲布踴未憺金鍼度柔
情春緒引密意秋波注捻綫玉蔥明鬻茸瓠犀露斷時
續更忙離處合須固漫矜鍼有神空教夜來妒

詠櫂

翩翩江上燕若近還若遠語隔紗窗聞嬌從柁樓見迅
櫂憐趺穩迴波矜手便裙隨風裏縐花在釵梁顫日日
山橫蛾朝朝鏡搖豔夜來度新曲祇是春閨怨

揚子津邊耕者

江上風雨來聲雜人語急禾黍翻綠疇參差露蓑笠把
鋤決渠溜今歲患潦溢雨膏本至仁多則不爲德天意
未可知爲農盡吾力有秋繫羣望肯憺體霑溼

酬香海豈匏候潮瓜步之作

故人來有信日望春潮達心迎帆際風夢墮沙邊月祇
怪君行遲君吟瓜步詩相違旣不遠一夕忍相思

萍梗行爲金手山題圖作

慊慊蒲生行惻惻浮萍篇蒲生猶有蒂浮萍苦無根
無根且含穎生理曷俄頃咎日爲楊花今日爲桃梗

解一
解二

聚亦復無端散亦復無端生在風水中風水不自專
託身向華池魚吹鶴來食願君勿復輕所性不沈溺
浮生各有命時復春風新謝女詠飛絮風人歌采蘋

三解四解五解

登樓有懷白菴師退蓮裳蘭雪

高閣楚天暮江聲風雨長故人在鄉國薄宦滯維揚往
事渾流水孤城又夕陽相思何以寄獨鳥下茫茫

雨後夜坐與香海豈匏蘭池論詩

霽月澹雲意風林飄雨香階前睡鶴影衣上流螢光眷
茲小園夕坐我孤琴傍古蘊待君發詩心相與涼

古意寄香海眞州

兩歡會未深一別何恟怳風露滿西灣獨乘明月往蘭
膏忽坐燼畫棟猶餘響五日雖有期采藍不盈掌

詠虎邱寺池上枯桐

特生地復迴風雪易傷性綠減古池色黃同老僧病溝
中斷已多爨下焦誰聽太息蒙莊言勞者據而瞑

擬陶徵君田居

結廬南野外彌望皆田疇舍此無所營吾力況易周方
春土膏動時至不須求手足一以勤風雨如相酬家人
餉新酒醕酏且復休欣然發謠詠響答桑間鳩自謂黃
農人安知三季憂

詠廊

迤邐長腰曼聯環曲意寬風迴疑響屨月轉記凭闌
遠闊相於窈虛檐祇覺寒卻因鸚鵡喚一日幾巡看

詠徑

一往幽閒極不知延佇誰餘香風偶泛舊啞蘇方滋陰
密螢相亂闌空蝶亦疑可堪成記憶明月躡輶時

詠牆

自隱意良得隔層殊不知內言防竊聽隣火卻潛窺曉
日懸來漸春雲度太遲徘徊正無限底事過高爲

詠窗

煙霧隔盈盈迷離與目成度香風弄巧取影月多情教
遣春常貯生憎曉易明誰能如曲檻長倚鏡臺檠

游攝山用江總持韵

千齡閉氤氲秀發自今肇

趙宋以來茲山晦迹乾隆廿一年尹文端公開之

夙

聞藥草靈滋在煙霞杪徑峭防趾側峯迴出意表登來
險嶺夷矚太大江小冷覺風泉多曠喜樓閣少石氣驚
早涼林陰想遲曉體劬神自逸累遣心逾皎卽境懷齊
梁有人狎猿鳥食場薇藿甘談柄松枝裊雞蟲方得失
鸞鶴何抗矯而僕病未能下山塵擾擾

替賢嘗捨宅香阜茲爰肇以彼遺累心所寄何杳杳世

變孤松存

山有一株朝

形徂片石表

寺側有明徵君碑

徇時物有

盡在德事無小南巖坐千佛

齊梁時所鑿石像無恙

黯見古人少

此處一剎那大千幾昏曉塵中各棲棲霞外自皎皎意
行隨澗鹿幽語答林鳥雲波磬響寒竹密鑪煙裊蕭散
適吾性始嗟向者矯願求智慧劍聊以斷塵擾

苦哉遠征人

苦哉遠征人軍旅素未嫺青蓑乍教釋元甲已躬環荷
戈悟鋤輕勒馬憐牛頑朝驚塵暗塗夕驚烽滿山一年
防漢水三歲防劍關敢向負嵎虎聊追放圈豚所欣主
將仁屢蒙軍令寬滔滔君不歸悄悄妾長歎旣乏武夫

力徒傷兒女顏石田久荒廢一飯今孔艱

桐花曲

三月金井闌桐花紛可憐疏疏不經意葉葉自爲妍
記得與君別西風落黃葉西風還復來三度清明節節節
桐花香思君如鳳鳳鳳期不至琴瑟爲誰張花開春
已老花落一何早昨日雨聲過銀牀閒不掃

蜀道難

蜀道難蜀道何嘗難古有牧犢兒石牛通萬山又聞燒
雲樓封劍關益底尙能浮李陰平可以裹羶桔柏之津
鎖江湓浮梁斷絕師常濟萬夫守隘一夫開前蜀迎降

後蜀繼大蛇食盡征徒骨杜宇嘯殘古人淚岷嶓奕奕
江漢滔滔弔頭虎子隳突騰逃天彭雙闕局鑰誰牢望
雲間之戍火驚雪色之秋濤炎劉世世羌爲禍謠諺翻
愁尹殺我王尊蔡茂不常生天險無如人事墮蜀道難
蜀道何嘗難彭公觀坂堪悲酸巴東三峽猿聲苦毋令
荆襄脣齒寒

簡唐陶山乞虎邱寺枯桐斲琴

聞聲有相思進前有不御矧伊淪落久孤植在風露虎
邱一枯桐不識誰手樹幸免爨下焦終稀匠石顧瘁貌
肯求悅苦心良自喻唐侯今宓子鳴琴張治具常歎知

音難忍令此材蠹我有幽蘭曲厥聲靡所附煩君揮郢斤爲君發淵素

簡陶山詩倩香海豈匏致之

虎邱枯桐予蓋聞自二君者

桐生劍池上豈云寂寞鄉不采羞自獻無媒還自傷何期棲鳥羣中有雙鳳凰高鳴翾其羽一舉揚幽芳遂令枯朽質未敢藏片長此材不終棄此意誠難忘今我修聘書便煩歸翼將將書過江太異事驚吳閭

夢游鄧尉明日送香海豈匏還吳門

身與輕舟驚煙谿認前度謂是千花林不知春已太濛濛西崦雲黯黯黃梅雨欲問沔華山濤聲撼叢樹瞿然

夢忽轉檐瀑方如注君歸到楓橋爲子謝鷗鷺

見賣日本白縠隱花裙者戲爲賦之

搏桑煖釋晶宮凍隱娥弱體愁衣重翦取龍髯裁一綵
機聲軋軋鮫人弄輕煙引素波作紋疊爲霜雪舒爲斐
珠光寶氣盡搖奪芙蓉薜荔交氤氲水仙竊之答歡欣
飄然凌波復行雲漢皋交甫偶持出差殺綳綺三條裙
纖腰穩稱白蜺舞仙乎仙乎欲輕舉世間兒女不知取
泉室之人泣如雨

題朱檢討竹垞圖曹秋厓畫

初賦清詞已白頭重題簪畫歲如流

見卷中

局中蝴蝶今

成夢

蝴蝶局爲竹垞二十景之一

湖裏鴛鴦孰繼謳
絹素空傳曹霸

迹竹林閒付阮公游

阮雲臺侍郎訪其地爲重建曝書亭

曝書亭子聞新

構依舊橫山翠可收

送理堂學博

送君襍被向徐州何必車前有八騶
晝靜鼓琴開絳帳月明吹笛坐黃樓
風雲自壯城如斗波浪常恬舍似舟
莫歎華顛沾寸祿只今無過此官優

題沈南疑林屋山居圖爲馮鷺廷同年作

鷺廷近於洞庭

買宅適得此圖

世人好寫山居圖不見山中人
宵居先生真是買山者

山居卻有前人寫柴扉風敞銷夏灣飛樓影動沖澗間
莫釐縹緲作屏障夕翠朝煙相往還春雪滿湖梅葉白
秋霞浮水橘林赤靈威出洞俗書看角里歸村采芝食
此閒幽絕棲左神此景何能語外人沈郎晝裏虛勞想
太史圖中果致身我昨援花游鄧尉蓬瀛咫尺無緣至
煩君此去謁毛公爲乞還丹夏骨氣

陶山寄琴材至系以詩有代斲恐傷指之句謂吳
門無琴工也感而答之

楚人棄璞悲卞和齊王求木嗟騶軻鑢鄒正乏區冶鑄
雲錦安得天孫梭唐侯寓書喜報我一樹十穫龍門柯

祇愁樸斲無巧匠矯揉箏筑參輦婆響泉韵磬爭品第
宜以金玉或以螺我讀斯言三歎息愛材如子夫誰過
用違其才寧弗用未能操刀傷實多假令犧尊乏文采
不如櫟社終蹉跎我聞輪扁言有數得心應手難爲摩
蜀中雷氏越艸子今世無之將奈何

謝金手山惠古琴

琴名大雅

大雅久不作

太白句

亦復誰能知古音未盡亡賴此枯桐

枝箏琶制屢新茲器無可奇不足諧鄭衛唯能格神祇
試從清廟中一奏文王詩更使吳札與聞聲歎熙熙君
才本卓爾妙詠如朱絲性靜又疏達歌於大雅宜有琴

不自憺但憺無鍾期爲我脫錦囊此情良可悲悲君復
望君勿以此自疑變調求悅耳終爲知者嗤扶輪須定
力好與先民追

羅浮雙蝶歌

頃有友人
以此見貽

羅浮雙蝶何太華有如羅浮出雲霞羅浮雙蝶不孤處
有若羅浮合煙雨相當相對三條裾一往一來五雜組
鴛鴦在沼燕在梁駭矚神光悄無語傳言化自葛仙衣
又說麻姑裙幅遺我笑神仙是情種好色不減春駒癡
頗聞吳彩鸞繡襦甲帳乃爲文簫施復聞杜蘭香火浣
之布乃爲張碩貽蝴蝶僂成仙眷屬合丹塗粉秦弄玉

遨游萬里來江南處處雙飛與雙宿我疑此傳舍卻在
塵埃中何如羅浮四百三十有二峯人言彼地有鴟鴞
呼羣嘯侶明福宮仙人知機必遠舉恐似爰居來避風
蝶來甫三日紗籠未啟忽逸其一因并縱之贈以

長歌

一夢兮遽然歎塵世兮真有仙仙之來兮比翼仙之去
兮孤鷺壁未破而飛龍殼不遺而蛻蟬使我神往於羅
浮兮逢羽化之穉川孔雀南飛千里徘徊念其儔侶惜
不汝偕相此離羣而獨處者意鬱鬱其未諧悲爲韓馮
之妻兮腐其衣而隕於宋康之臺爲汝兮開籠歌歸風

今送遠毋持足以畱仙使裙綳而不展飛破鏡于遙天
兮月三五其方滿快若雲龍山人之放鶴兮余意得而
理遣念茲土之湫隘舉翮觸其四隅擾雞鶩兮爭食拘
鳳凰兮在笊蠅糞可以污璧魚目可以混珠匪游仙之
樂境汝奚爲而謫居知汝性之難馴兮固無戀乎三宿
今以天地爲籠兮庶浩蕩而無束余獨慮兮汝身文采
爛其驚目何虞羅之不張何駭機之可觸余聞南海之
上網珍異而販鬻翡翠兮鸚鵡並銷香兮碎玉汝毋復
返于羅浮計惟蓬萊方丈琪花瑤草兮宜恣汝之棲伏

九日蜀岡集送香海

壓城雲尙熱出郭天始高
清風灑我襟心與鴻雁翔
側身古原上萬木鳴秋濤
吳楚盡千里大江何滔滔
古來竹西路久已生蓬蒿
髯蘇復云但登眺屬我曹
悲來一浮白此飲能不豪
可憐不羈士方效簿領勞
進者難爲退勉旃慎所操
東籬有黃花歸去其慕陶

江上琴興再送香海

茫茫入世身逢此世外人

汪君澣雲也

江上一惆悵爲君迴

公輪請君且奏邱中曲
野曠天高風肅肅忽作離鴻送
遠聲相思江水搖空綠

陳古華太守出巽石相示余名曰天外三峯作歌

峩峩太華三峯碧世無巨靈誰手擎眼前玉女洗頭盆
倒影蓮花如可摘陳侯生平最愛山東南汗漫游經年
恨不秋風尋白帝更將詩句問青天縮地移山偶致此
朝來置我烏皮几峯頭煙雨欲飛翻盆裏風雷愁尺咫
忽憶三秦方被兵崑岡之火炎咸京金天作鎮祇虛語
不見仙人一掌擎少陵欲鏟蜀關嶂張載空畱劍閣銘
歸馬山陽俟何日還君此石心怍怍

黃石齋先生斷碑硯歌

坡公題墨妙亭詩斷碑一片廣三寸七分長三寸四分

分存十六字凡四行一行曰吳越勝事一行曰書來乞詩一行曰尾書谿藤一行曰視簪過眼以背面作硯右偏之上刻斷碑二隸字下刻道周二字印篆左偏刻竹牀銘曰身可汗心不辱藏三年化

碧玉爲八分書予得之廣陵市上

衢州尺土非其有湖州片石藏誰手此是黃公不轉心
百年未與秦灰朽殘甃斷碣公摩挲愛他妙墨存東坡
東坡文字得遷謫公亦危言嬰禍羅抱璞區區成一哭
墨花淩淩蠻煙綠幕府勤勞玉帶生孤臣心迹橋亭卜
公之前輩王文成一段碑會題驛丞王文成有墨妙亭碑一片題曰驛丞
署尾視蓋謫龍場時所得盤錯偶然成利器鼎鐘因得其勳名石友
遭逢亦何定烏乎經濟需時命我

朝褒諡黃忠端

高宗純皇帝欽定勝朝殉節諸臣錄黃公蒙賜諡忠端

當日平

臺斥爲佞

題鮑氏棠樾村圖

爲育園主人作

黃山西公入谿源一樹甘棠百代村不忘角弓宣子譽

元鄭師山與鮑景會友善棠樾村之名始見於其集中

猶藏牙笏魏公孫

今育園主人明

尚書思菴公之後也

客中逝景霜盈鬢夢裏清陰月在門無限淞

情傳畫幅所期家世古風存

何蘭士出守九江過揚州話別二首

帝曰唯良二千石與吾共治得人難頗知南國湖山美

昇汝西臺耳目官

近者恭讀爲重而君述

綸音諄諄以太守一官陞辭時會有此地最

優故以與汝之語

虎迹定從江上沒雁聲忍聽澤中寒傳聞先

爲吾鄉慶況得同君握手歡

別來光景太怱怱相見都成白髮翁舊迹重論難塞雪
曩曾與君同扈駕木蘭始定交才人欲趁馬當風九江秀色窗中攬五
柳先生花下同惆悵故鄉衣帶水送君西上我居東

題何蘭士南池清夏圖

杜老祠堂在何郎使節臨詩人兼有命前代不如今畫
展涼風出池荒古木森願君開廣廈道暘正無陰

題城南雅游圖

城南雅游蓋浚時帆王惕甫劉澄齋張船山徐
閩齋李介夫何硯農蘭士諸君同居都下樂事
而寫像紀之者也頃蘭士赴任九江太守過揚

州以此索題

身在江湖漫九年每瞻

魏闕寸心懸展君聯轡看花卷認我騎驢索句邊便欲
乘風歸玉宇相將買墅傍藍田故人卻似晨星少況又
參商各一天

楊甫爲其內子索題寫韵軒圖

孺人氏曹
名貞秀

吾聞吳彩鸞寫韵一部售千錢始知衣食大難事飢寒
可以困神仙何況王郎家火燒凡鉛紙爲耕耒硯作田
文章萬選不會中賣與市人愁筆乾賦命雖窮得天厚
閨中佐以簪花手姓同孝女解題碑才過文君能取酒

昨來俗觀數紙書端莊流麗妙兼有我笑王郎能事種
種皆絕倫此才翻落夫人後石湖連天山插空蘆簾紙
閣搖春風飛花入硯香冉冉煖翠落几煙濛濛仙家眷
屬此相對豈復屑意悲途窮可柰草堂貲竟乏徒從絹
素指點楞伽峯

楊甫有楞
伽山房圖

贈寫真華吉崖司馬

乾隆之中老供奉華君寫照稱有神欲求筆迹苦難得
我是尋常行路人今日江湖君潦倒君始識吾吾亦老
如此頭顱真自知愁君點鬢霜華縞平生性與麋鹿同
久宜置之邱壑中移病連章不容公漁船閒殺西谿風

但看君畫聊快意初不經營似游戲斯須頰上添三豪
持示妻孥皆愕眙憶管彤闡春畫長

先皇幾暇垂衣裳中使傳宣供奉入紫豪拂素硯水香
煙雲自成龍鳳彩日月俯照山河光圖成進御屢稱善
催賜金綺塗相望我時入直中書堂

虞廷作繪知之詳昨者攀髯忽無及白雲想像居何鄉
與君言之有餘愴

匡廬觀瀑圖爲吳白菴題

圖開人面寒飛雪眩遙眼萬古匡君廬晶簾常不卷似
聞天樂奏瑤瑟閒瓊琯想當會羣仙雲氣滿崖巘管有

吳猛來于茲浮巨觚雙龍逝安適天漢渺然遠仙人今
有孫氣格絕高罕常嫌塵壒中鬱鬱胷不展冲舉希前
蹤石梁此焉踐大叫雙瀑奇似余下雙管詞源偶倒流
一瀉三峽滿又似余酒渴白虹飲溪澗汲此清泠滌腸
胃試湔澣石門堪卜築便欲長不返忽復念故人胷塵
知不免刺促大可憐此宜招作伴爲我述當時江濤方
怒悍倚船而望洋寸步足重繭及見千丈瀑心旌乃蕭
散颯颯風吹衣泠然覺餘善信知在山泉迴異出山險
嗟君見本超柰我迹相舛蜀岡第五泉久不耐噉燕安
得谷簾清隨時貯茗盃馳驅旣無能驚足苦羈絆卷畫

漫還君雲林意空緬

張仲雅丈出示三影閣圖題一絕句

圖後有吳穀人丈王揚甫

學博題詠

祭酒東皋宅一畝廣文上方居數間惟公草閣我茅屋

煥會倩人寫且復空爲圖畫看

雙石 并引

吳舍人杜村藏異石甚夥擇其尤者有二一白質玉粹嵌空玲瓏予名之曰雪竇以擬奉化之山一黑白交錯中空而圓皎如冰輪三五予名之曰流雲吐月各繫一詩

何處太古雪炎天尙凝凍日炙復火燎窪垤成巖洞文
作玉蘂皴勢驚銀濤動天門旣排虛地戶還鑿空烏兔
交吐納雲霓與錯綜按穴疑陰風滴泉皆乳湮瑤京應
不遠欲偕彩鸞控但恐仙路濶中多虎豹擁不偷林屋
書空有仇池夢咎者雪竇師鬱然盛徒衆今日千蓮花
與誰作清供

雪竇

巫峽雲歸神女館峽中明月夜夜滿纖阿鞭御穿雲根
精魄所貫無畱痕誰揮玉斧斲瑤碧雲片零星雜青白
畫堂桂樹生秋香天上人閒如合璧白雲咫尺疑可乘
祇恐玉宇寒難勝猛雨濃陰況無定不如窗几光常凝

坡老見之問月口語出天心石點首

流雲吐月

復有僧觀怪石者形如斷槎而色澤甚古因名之

曰古槎

雪月光寒楚天暮畫本中宜添古樹從何摹得老坡筆
瞥眼空堂起煙霧有客新從海上還仙槎飄斷三千年
一夕風雨化爲石摧牙落角苔斑斑移來片段壓輕舸
萬頃鯨濤不能簸紫玉光中吐彩虹青冥洞底潛陰火
支離拳曲復皴裂匠石顧之驚咋舌鐵敲不折眞珊瑚
鑪冶難銷古霜雪笑呼石丈來題襟落落何嫌木石心
橫窗夢駭龍蛇影擊拍歌諧金玉音香山居士太湖守

歸洛猶聞攜石友揚人休怪卷地皮吾欲乘之撥牛斗
謝王陽甫惠石屏有東坡游赤壁圖意

元明以來往往圖赤壁畫家僭用坡仙迹天公豈亦豔
其事再生此人天又憖故使神施鬼設示現於人間以
石爲箋雲作墨微皴澹掃江山分天色蒼茫方落曛舟
中賓主皆歷歷疑有洞簫聲可聞丹青妙處難在自然
耳一有此筆可無趙

子昂

戴

文進

文

休承

諸君

三公皆當畫赤

壁圖

造化本來無盡藏江山便是真圖障人生如寄恆須
與今古茫茫一惆悵計唯文章不斷如江流坡公至今
精氣畱楞伽山人庶乎近我欲載酒從之游

坡公生日以異石爲供用公集中仇池石詩韵

公如我眉峯萬古不凋綠下視小培塿仰攀力未足牛
斗何無神磊塊常滿腹迫欲居仇池人寰亦太蹙鬼門
更東驚地險民不牧文章愈恢奇婦孺敢褻瀆公爲石
礲礲弗爲碌碌玉磨之旣不磷精氣豈淪伏至今聞風
者信奉若著卜焚香禮公像形影願相逐異石我所藏
勢頗具陵谷今日爲公陳蓋知公所欲意同景文畫聲
協李委曲三歎石火光茫茫人代速

綠萼梅

一春萬綠未抽萌先向冰枝的歷生翠羽淡眠香雪滿

黛螺輕點玉肌明倚來修竹寒無那寫入新波澹不成
愁絕看花東閣客青青兩鬢已霜盈

李墨莊舍人使琉球歸見惠倭刀用少陵趙公大
食刀歌韵賦謝

三十六姓語啁嘈敬爲

天使陳餽牢五晝夜達滄溟艘

天威震疊蛟蜃逃佩物取稱麒麟袍敢獻下國之寶刀

試以口吹斷豪毛

舍人云國王燕饗凡七次燕必獻刀一柄又舍人由廈門達其都祇五日

半國人無不驚異

迴船中流孤島高忽聞三老相驚號狐狸嘯

聚兼鼯猱挺身不畏斧鉞膏舍人揮刀風湧濤紛紛腰

領顛阮濠

舍人歸塗遇海盜數十艘揚兵圖劫乃率徒從擊收之

歸來語子爲解

縑知子有志斬巨鼉拔鞘寒光驚孟勞卻慚腕弱非英
豪我聞海中羣盜起安南背恩爲禍始頻年奪貨傷客
子中山事大頗知理況又匣中有秋水鷹鷂逐雀烏容
已儻泛樓船整戎紀憑藉聲靈易耳防海諸軍頻送
喜招賊投誠便相恃鉛刀之割安可倚舍人何日執鞭
弭橫海伏波當竊比霜鋒取人萬人裏爲我太空決氛
滓

和蓮裳春雪

扇暍恐傷冷食飢恐傷瘦羸軀得痼疾投藥豈宜猛太

年冬不藏炎氣奪嚴景終風簸黃沙驕陽騰赤眚微雪
雖應祈天功難屢倖豈知滕六威蓄極而後逞二陰春
欲分三白日相併枯桑封尺條宿麥偃寸穎翻令發生
氣鬱鬱爲之梗此邦歲卽豐泛糴困隣境荆楚昨歉收
窮民多亂領車牛餉方竭風鶴聲又警執冰皆魯師食
雪誰段頰當茲挾纊寒龜手還縮頸所恃江淮熟何堪
成畫餅哀哉農者心春及空望杏東土不得蘇負此玉
千頃未可施鋤犁徒言殺虵蝥誰能試箋天命爲下民
請感君高臥客憂心獨恹恹黃竹哀凍人悲詞異歌郢
蓮裳屢憶蜀岡梅花用坡公少游唱酬詩韵慰之

我處繁華學枯槁一官冰冷堪絕倒

揚人於僕有熱官冷做之稱

春

風有信不出游鐵心石腸花所惱花開幾日今已闌歎
我年來白頭蚤豈如詩客有清興花正好時詩亦好欲
爲皺玉溫夜寒生怕落英和雪掃君歌舊曲愁茫茫我
度新韶笑草草青芝光福天下稀有願移家作野老約
君他日共籬落亂插繁花向晴昊

杜句

石琴以詩遺小硯山次韵奉謝

縹緲峯皴孤玲瓏竅吹萬下臨紫石潭波影駭龍喚救
我書田荒夜來雨三寸

君已戀泉石雲程息九萬

石琴不赴公車

我猶困風塵歸耕無

下溪一誦小山篇幽期託方寸

賞雨茅屋詩集卷之四終